

2016-imut Ilassutissatut aningaasaliissutitut Inatsisissatut Siunnersuut

(Aningaasaqarnermut Akileraartarnermullu Naalakkersuisoq)

Saqqummiussissut

(Aningaasaqarnermut Akileraartarnermullu Naalakkersuisoq)

Siullermeerneqarnera

Naalakkersuisut sinnerlugit matumuuna 2016-imut Ilassutissatut aningaasaliissutitut Inatsisissatut Siunnersuut saqqummiuppara. Inatsisartut Naalakkersuisullu pillugit Inatsisartut inatsisaanni § 16-imi ersersinneqarpoq: Inatsisartut Aningaasaqarnermut Ataatsimiititaliaata aningaasartuutissatut akuersissutai ukiumoortumik ilassutissatut aningaasaliissutitut inatsimmi, ukiumi aningaasanut inatsiseqarfiusumi tulliuttumi Inatsisartut ileqquusumik siullermeerlutik ataatsimiinneranni oqaluuserineqartussami, katersorneqassapput.

2016-imut Ilassutitut Aningaasaliissutitut inatsisissatut siunnersuut taamaalilluni kingumoortumik aningaasaliinertut isigisariaqarpoq. Aalajangiinerit 2016-ip ingerlanerani aningaasaliissutitut allannguutissat pillugit Naalakkersuisut kiisalu Inatsisartut Aningaasaqarnermut Akileraartarnermullu Ataatsimiititaliaata aalajangiiffigisimasai ilassutitut aningaasaliissutitut inatsimmi aqqissuunneqarput.

2016-imut ilassutissatut aningaasaliissutitut inatsisissatut siunnersuut ilanngussaq 1-imik ilaqarpoq, tassani aningaasaliissutit 2016-imi akuersissutigineqartut takutinneqarlutik aammalu ilanngussaq 2-mi 2016-imi oqaasertaliussanik allannguutit akuersissutigineqartut takuneqarsinnaallutik.

2016-imut Aningaasanut inatsit aamma 2016-imut ilassutissatut aningaasaliissutitut inatsisissatut siunnersuut ukiumut aningaasanut inatsiseqarfiusumut 2016-imut ataatsimut aningaasaliissutitut tunngavoq. Taamaalillutik Nunatta Karsiata 2016-imut Naatsorsuutaanut aallaaviupput, taakkulu Inatsisartut massakkut ataatsimiinnissaanni oqaluuserineqartussatut ilimagineqarput.

2016-imut Aningaasanut Inatsit IST-mi missingersuutini 100,1 mio. kr.-nik amigartoortoqarnissaanik aamma IS-imi 56,8 mio. kr.-nik amigartoortoqarnissaanik takutitsivoq.

Ilassutissatut aningaasaliissutit 2016-ip ingerlanerani Inatsisartut Aningaasaqarnermut Akileraartarnermullu Ataatsimiititaliaanit akuersissutigineqartut IST-mi inerniliussanut sunniuteqanngillat, peqatigitilluguli IS-imi missingersuutaasutut amigartoornissamut 203,5 mio. kr.-nik ajorteriaataasimalluni. Taamaalillunilu Ilassutissatut aningaasaliissutitut inatsisissatut Siunnersuut ukiumi aningaasanut inatsiseqarfiusumi 2016-imi IST-mi

missingersuutaasutut 100,1 mio. kr.-nik amigartoonissamik aamma missingersuutaasutut IS-imi 260,3 mio. kr.-nik amigartoonissamik kinguneqassaaq.

IS-ip inernerani missingersuutaasutut ajorseriartoqarnissaanut tunngatillugu erseqqissarneqassaaq Kalaallit Airports A/S-imi 200 mio. kr.-nik aningaasaliinerup tamanna kingunerimmagu.

Kinguneratiguttaaq oqaasertaliussani piginnaatitsissutigut december 2016-imi Naalackersuisut akuersissutigaa Kalaallit Airports A/S akisussaassuseqartumik taarsigassarsititsinerit aqutigalugit 94,3 mio. kr.-nik allanik aningaasalerneqassasoq, tamannalu pissarsianut akiliutineersunik immikkut ittunik isertitat aqutigalugit aningaasalersorneqassaaq, taamaalillutillu aningaasaliunneqartut tamarmik IST-mut sunniuteqarsimanatik. Taamaalisqaqarnani Kalaallit Airports A/S 2016-imi ilassutitut aningaasaliissuteqarnikkut katillugit 294,3 mio. kr.-nik Mittarfiliortiternissanut sulinerup nanginnissaanut tunineqarpoq.

Taamatut oqaaseqarlunga Naalackersuisut 2016-mut Ilassutitut Aningaasaliissutitut Inatsisissatut Siunnersuummut siunnersuutaat Inatsisartunut suliassanngortippara.